

**„საკონსტიტუციო სამართლისა და პოლიტიკის ჟურნალის“ პირველ ნომერში გამოსაქვეყნებლად  
წარმოდგენილი სტატიისათვის დადგენილი მოთხოვნები**

1. სტატიების კონკურსში მონაწილეობის უფლება აქვს, როგორც ივანე ჯავახიშვილის სახელობის თბილისის სახელმწიფო უნივერსიტეტის (შემდგომ - თსუ) იურიდიული ფაკულტეტის, ასევე, სხვა აკრედიტირებული უმაღლესი საგანმანათლებლო დაწესებულებების სამართლის საბაკალავრო, სამაგისტრო და სადოქტორო საფეხურის სტუდენტებსა და პრაქტიკოს იურისტებს (შემდგომ - სტუდენტი ან/და კონკურსანტი).
2. საკონკურსოდ წარმოდგენილი სტატია შეიძლება შესრულდეს, როგორც ინდივიდუალურად, ასევე, თანაავტორობით (არაუმეტეს ორი ავტორისა).
3. **2022 წლის 22 ივლისამდე** სტუდენტმა/კონკურსანტმა მითითებულ ელექტრონულ ფოსტაზე უნდა გამოგზავნოს საკონკურსოდ წარმოსადგენი სტატიის სათაური, აქტუალურობის დასაბუთება და ძირითადი თეზისები.
4. **2022 წლის 10 სექტემბრამდე** სტუდენტმა/კონკურსანტმა მითითებულ ელექტრონულ ფოსტაზე უნდა გამოგზავნოს სტატია, წინამდებარე მოთხოვნებით განსაზღვრულ სხვა დოკუმენტებთან ერთად.
5. სტატია შესრულებული უნდა იყოს ქართულ ენაზე. სარედაქციო კოლეგიასთან წინასწარი შეთანხმებით და კოლეგიის მხრიდან თანხმობის შემთხვევაში, შესაძლებელია სტატიის წარმოდგენა უცხოურ ენაზე.
6. სტუდენტმა საკონკურსოდ უნდა წარმოადგინოს შემდეგი მასალები:
  - 6.1. სტატია;
  - 6.2. უნივერსიტეტიდან ცნობა სტუდენტის სტატუსის შესახებ (ასეთის არსებობის შემთხვევაში);
  - 6.3. შევსებული განაცხადის ფორმა (დანართი N1).
7. თემატიკა:
  - o სახელმწიფო მოწყობა;
  - o ადამიანის ძირითადი უფლებები და თავისუფლებები;
  - o საარჩევნო სამართალი;
  - o საკონსტიტუციო სამართალწარმოება;
  - o ადგილობრივი თვითმმართველობის სამართალი.
8. სტუდენტის/კონკურსანტის მიერ საკონკურსოდ წარმოდგენილი სტატია უნდა იყოს ორიგინალური და სამეცნიერო ღირებულების მქონე. იგი უნდა იყოს შესრულებული **ჟურნალში პირველად გამოქვეყნების მიზნით**. საკონკურსოდ წარმოდგენილი სტატია უნდა აკმაყოფილებდეს შემდეგ ფორმალურ მოთხოვნებს:
  - 8.1. ნაშრომს უნდა ჰქონდეს სატიტულო ფურცელი, სადაც აღინიშნება: უნივერსიტეტის/ორგანიზაციის სახელწოდება, ფაკულტეტის სახელწოდება (ასეთის არსებობის შემთხვევაში), უნივერსიტეტის/ორგანიზაციის ლოგო, ავტორის სახელი

- და გვარი, სტატუსი, თემის სახელწოდება, ადგილი (სადაც შესრულებულია ნაშრომი), წელი;
- 8.2. სტატიის ძირითადი, ქართულენოვანი ტექსტი აკრეფილი უნდა იყოს Sylfaen-ში - 11 ფონტში (სქოლიო იმავე ფონტის 10-იანი შრიფტით), ხოლო უცხოენოვანი ტექსტი კი - Times New Roman - 11 (სქოლიო იმავე ფონტის 10-იანი შრიფტით);
  - 8.3. ძირითად ტექსტში ხაზებს შორის მანძილი უნდა იყოს 1,15, ხოლო სქოლიოს ტექსტში 1,0. აზვაცებს შორის მანძილი უნდა იყოს 0;
  - 8.4. საკონკურსო სტატია უნდა შესრულდეს A4 ფორმატის word-ის დოკუმენტში, მინდორი, ოთხივე მხრიდან უნდა იყოს 2-2-2-2.
  - 8.5. აზვაცი უნდა იყოს 0,5 სანტიმეტრი, რომელიც უნდა შეიქმნას enter-ით და არა tab კლავიშით.
  - 8.6. წარმოდგენილი სტატია უნდა იყოს მკაფიოდ სტრუქტურირებული (შესავალი, ძირითადი ნაწილი, დასკვნა). შესავალი და დასკვნა არ ინომრება, ხოლო ნაშრომის ძირითადი ნაწილი სტრუქტურულად უნდა იქნეს ჩაშლილი: თავებად, ქვეთავებად და ა.შ. და შესაბამისად დანომრილი: 1.; 1.1.; 1.2.; 1.2.1.; 1.2.2.; 1.3. და ა.შ..
  - 8.7. შენიშვნა (სქოლიო) უნდა განთავსდეს ყოველი გვერდის ბოლოში.
  - 8.8. სქოლიოში ერთხელ გამოყენების შემდეგ, როდესაც მომდევნოდ მეორდება იგივე წყარო, შეგიძლიათ მიუთითოთ – იქვე (იტალიკით), და შემდეგ შესაბამისი გვერდის ნომერი;
  - 8.9. ქართული ტექსტისათვის უნდა გამოიყენოთ ე.წ. ქვედა და ზედა ბრჭყალები („...“), ხოლო უცხოენოვანი ტექსტისათვის კი - ზედა ბრჭყალები (“...”).
  - 8.10. ყოველი ახალი მითითებისას გამოყენებული წყარო მიუთითეთ სრულყოფილად. **არ გამოიყენოთ** შემდეგი აღნიშვნები - დასახ. ნაშრომი, ან მითითებული ნაშრომი.
  - 8.11. საკონკურსოდ წარმოდგენილი სტატიის საორიენტაციო მოცულობა არ უნდა აღემატებოდეს 15 გვერდს.
9. სტუდენტს/კონკურსანტს უფლება აქვს საკონკურსოდ წარმოდგენილი სტატია მოამზადოს განსაზღვრული თემატიკიდან.

კონკურსანტმა სტატიის ელექტრონული ვერსია [word-ისა და pdf ფაილის სახით] (წინამდებარე მოთხოვნებით განსაზღვრულ სხვა დოკუმენტებთან ერთად) უნდა გამოაგზავნოს შემდეგ ელექტრონულ ფოსტაზე: [res.institute@tsu.ge](mailto:res.institute@tsu.ge).

## სამეცნიერო ლიტერატურის ციტირების სტანდარტი

წიგნი, რომელსაც ერთი ავტორი ჰყავს უნდა მიეთითოს: ავტორის გვარი, სახელის ინიციალი, წიგნის სახელწოდება, გამოცემის ადგილი, გამოცემის წელი, შესაბამისი გვერდი (გვ. - შემოკლების გარეშე). მაგალითად:

*დავითაშვილი გ.*, დანაშაული და სასჯელი ქართულ ჩვეულებით სამართალში, თბილისი, 2011, 525.

*Bogdanor V.*, What is Proportional Representation? A Guide to the Issues, Oxford, 1984, 149.

წიგნი, რომელსაც რამდენიმე ავტორი ჰყავს, მაგრამ არ ჰყავს სამეცნიერო რედაქტორი, უნდა მიეთითოს: ავტორების გვარი, სახელების ინიციალი, წიგნის სახელწოდება, გამოცემის ადგილი, გამოცემის წელი, შესაბამისი გვერდი (გვ. - შემოკლების გარეშე). მაგალითად:

*გონაშვილი ვ., ერემაძე ქ., კახიანი გ., კვერენჩილაძე გ., ჭილაძე ნ.*, შესავალი საკონსტიტუციო სამართალში, თბილისი, 2016, 108.

თუ კონკრეტული ავტორის მოსაზრებას ეხება საქმე და თქვენ გსურთ ამაზე ხაზგასმა:

*ერემაძე ქ.* წიგნში: *გონაშვილი ვ., ერემაძე ქ., კახიანი გ., კვერენჩილაძე გ., ჭილაძე ნ.*, შესავალი საკონსტიტუციო სამართალში, თბილისი, 2016, 108.

წიგნი, რომელსაც რამდენიმე ავტორი ჰყავს და, ასევე, სამეცნიერო რედაქტორი, უნდა მიეთითოს: ავტორ(ებ)ის გვარი, სახელ(ებ)ის ინიციალი, წიგნის სახელწოდება, სამეცნიერო რედაქტორის სახელის ინიციალი და გვარი, გამოცემის ადგილი, გამოცემის წელი, შესაბამისი გვერდი (გვ. - შემოკლების გარეშე). შესაძლოა მიეთითოს კონკრეტული ავტორის გვარი და სახელის ინიციალი, რომელსაც ეკუთვნის წიგნის შესაბამისი ნაწილი. ასევე, მხოლოდ სამეცნიერო რედაქტორიც. მაგალითად:

*გოცირიძე ე.*, წიგნში: საქართველოს კონსტიტუციის კომენტარი, საქართველოს მოქალაქეობა, ადამიანის ძირითადი უფლებანი და თავისუფლებანი, *პ. ტურავას* რედაქტორობით, თბილისი, 2013, 60.

კონსტიტუციური სამართალი, *ა. დემეტრაშვილის* რედაქტორობით, თბილისი, 2005, 210.

*Möllers Ch.*, “We are (afraid of) the people”: Constituent Power in German Constitutionalism, in: The Paradox of Constitutionalism: Constituent Power and Constitutional form, Edited by *M. Loughlin* and *N. Walker*, Oxford, 2008, 89.

Конституция Российской Федерации: доктринальный комментарий (постатейный), Под редакцией *Ю. А. Дмитриева*, Москва, 2009, 171.

Комментарий к Конституции Российской Федерации, Под редакцией *В. Д. Зоркина и Л. В. Лазарева*, Москва, 2010, 471.

სტატია, რომელიც გამოქვეყნებული კრებულში უნდა მიეთითოს: სტატიის ავტორის გვარი, სახელის ინიციალი, სტატიის დასახელება, კრებულის სახელწოდება, სამეცნიერო რედაქტორის სახელის ინიციალი და გვარი, გამოცემის ადგილი, გამოცემის წელი, შესაბამისი გვერდი (გვ. - შემოკლების გარეშე). მაგალითად:

*გარიშვილი მ.*, სასჯელი რომისა და ძველ ქართულ სამართალში, კრებულში: სამართლისა და პოლიტიკური აზროვნების ისტორიის ნარკვევები, *გ. ფერაძის* რედაქტორობით, წიგნი I, თბილისი, 2010, 253.

სტატია, რომელიც გამოქვეყნებული სამეცნიერო ჟურნალში უნდა მიეთითოს: სტატიის ავტორის გვარი, სახელის ინიციალი, სტატიის დასახელება, პერიოდული გამოცემის (ჟურნალის) სახელწოდება, გამოცემის ნომერი, გამოცემის წელი, შესაბამისი გვერდი (გვ. - შემოკლების გარეშე). მაგალითად:

*ონიანი ს.*, უკიდურესი აუცილებლობა, როგორც სახარებისეული ტელეოლოგიური განმარტების ფორმულის - „შაბათი კაცისათვის და არა კაცი შაბათისათვის“ - ანარეკლი სჯულის კანონში, თსუ-ის იურიდიული ფაკულტეტის სამართლის ჟურნალი, №2, 2011, 8.

*ვაშაკიძე გ.*, კეთილსინდისიერება საქართველოს სამოქალაქო კოდექსის მიხედვით - აბსტრაქცია თუ მოქმედი სამართალი, ჟურნალი „ქართული სამართლის მიმოხილვა“, ტომი 10, №1, 2007, 14-58.

*Norris P.*, Choosing Electoral Systems: Proportional, Majoritarian and Mixed Systems, International Political Science Review, Volume 18, No. 3, 1997, 304.

ნათარგმნი ლიტერატურის ციტირებისას უნდა მიეთითოს: ავტორის გვარი და სახელის ინიციალი, ნაშრომის დასახელება, მთარგმნელის სახელის ინიციალი და გვარი, სამეცნიერო რედაქტორის სახელის ინიციალი და გვერი (არსებობის შემთხვევაში), გამოცემის ადგილი, გამოცემის წელი, შესაბამისი გვერდი (გვ. - შემოკლების გარეშე). მაგალითად:

*ცვაიგერტი კ., კოტცი ჰ.*, შედარებითი სამართალმცოდნეობის შესავალი კერძო სამართლის სფეროში, ტომი II, *ე. სუმბათაშვილის* თარგმანი, *თ. ნინიძის* რედაქტორობით, თბილისი, 2001, 55.

ელექტრონული წყაროს ციტირებისას უნდა მიეთითოს: ნაშრომის ავტორის გვარი და სახელის ინიციალი (არსებობის შემთხვევაში), ნაშრომის დასახელება, გამოქვეყნების დრო, შესაბამის ლინკი სამკუთხა ფრჩხილებში, ნახვის თარიღი ოთკუთხა ფრჩხილებში. მაგალითად:

How to rig an election, Weighing the votes, Mar 3, 2012. ob.  
<<http://www.economist.com/node/21548946>> [20.09.2013].

*მენაბდე ვ.*, ერთი ადამიანი, ერთი ხმა, ერთი წონა. იხ.  
<<http://blogs.liberali.ge/ge/blog/1631/112154/>> [19.09.2013].

**მეორადი ციტირების შემთხვევაში პირველად ეთითება ლიტერატურა, რომელსაც თქვენ გაეცანით, შემდეგ კი ამ ნაშრომში ციტირებული ლიტერატურა.**

Krefschmer, in Schmitdt – Bleibtreu/Hofmann/Hopfau (Hrsg.) GG, 12 Aufl. 2011, Art. 40 Rdnr. 37.  
მითითებულია: *Dolzer/Kahl/Waldhoff/Bonner*, Kommentar zum Grundgesetz, C. F. Müller, 2011, 53.

**სასამართლო გადაწყვეტილებების/განჩინებების/საოქმო ჩანაწერების/სარჩელის მითითება:**

საქართველოს საკონსტიტუციო სასამართლოს 2013 წლის 11 აპრილის №1/1/539 გადაწყვეტილება საქმეზე „საქართველოს მოქალაქე ბესიკ ადამია საქართველოს პარლამენტის წინააღმდეგ“, II, §5.  
საქართველოს საკონსტიტუციო სასამართლოს 2013 წლის 4 აპრილის №1/1/547 საოქმო ჩანაწერი საქმეზე „საქართველოს მოქალაქეები უჩა ნანუაშვილი და მიხეილ შარაშიძე საქართველოს პარლამენტის წინააღმდეგ“, II, §7.

საქართველოს სახალხო დამცველის 2014 წლის 7 აპრილის კონსტიტუციური სარჩელი საქართველოს პარლამენტის წინააღმდეგ, იხ.

<[http://constcourt.ge/index.php?lang\\_id=GEO&sec\\_id=6&info\\_id=1344#](http://constcourt.ge/index.php?lang_id=GEO&sec_id=6&info_id=1344#)> [11.04.2014].

საქართველოს უზენაესი სასამართლოს სამოქალაქო საქმეთა პალატის 2008 წლის 12 თებერვლის №ას-691-1021-07 გადაწყვეტილება.

Case of Marguš v. Croatia, no. 4455/10, 13/11/2012, §67.

Oregon v. Kennedy, 456 U.S. 667 (1982).

**სამართლებრივი აქტის ციტირებისას უნდა მიეთითოს მისი სახელწოდება და მიმღები ორგანო (პარლამენტის მიერ მიღებული კანონების გარდა) სრულად, შესაბამისი მუხლი და ა.შ. მაგალითად:**

საქართველოს ორგანული კანონის „საქართველოს საარჩევნო კოდექსის“ მე-12 მუხლის მე-11 ნაწილი.

საქართველოს მთავრობის 2015 წლის 30 დეკემბრის №668 დადგენილების „არასრულწლოვანთა მართლმსაჯულების პროცესის განმახორციელებელი და ამ პროცესში მონაწილე პირების სპეციალიზაციის სტანდარტის დამტკიცების შესახებ“ მე-3 მუხლის მე-2 პუნქტი.